

Dette værk er downloadet fra Slægtsforskernes Bibliotek

Slægtsforskernes Bibliotek drives af foreningen Danske Slægtsforskere. Det er et privat special-bibliotek med værker, der er en del af vores fælles kulturarv omfattende slægts-, lokal- og personalhistorie.

Støt Slægtsforskernes Bibliotek – Bliv sponsor

Som sponsor i biblioteket opnår du en række fordele. Læs mere om fordele og sponsorat her: <https://www.dsshop.dk/sponsorat>

Ophavsret

Biblioteket indeholder værker både med og uden ophavsret. For værker, som er omfattet af ophavsret, må PDF-filen kun benyttes til personligt brug. Videre publicering og distribution uden for husstanden er ulovlig.

Links

Slægtsforskernes Bibliotek: <https://bibliotek.dis-danmark.dk>

Danske Slægtsforskere: <https://slaegt.dk>



*Declaration
de la Noblesse du Danemarck
contre la fautive imputation
de Cornifitz Ulefildt.*

1663.



Declaration
a la Maiefté le Roy de Dannemark
& Norwegue &c.
faite par la
Nobleffe dud^e. Dannemark,
Contre la fauffe
imputation de
Cornifitz cy deuant nommé
Comte d' Vlefeldt.

A Copenhague,
de l'imprimerie de Henry Gæde, Typog.
Reg. & Acad. an. 1663.

Sire.

N'Estant que trop cognu, que Cornifitz, cy deuant nommé Comte d'Vlefeldt, a non seulement mis en oubly les graces que vostre Maiefté luy auoit faites, aussi bien que son propre honneur, le serment de fidelité, & son deuoir, mais aussi, que pour auancer, & faire paroistre facile aux autres, sa perfide & inouye entreprise, il a impudemment osé y mesler entre autres, la fidelle & Loyale Noblesse de vostre Maiefté, comme si elle estoit mal satisfaite de son louable & gracieux gouuernement & desiroit qu'il fust changé; C'est pourquoy, encore que nous, & vn chacun de nous se sente innocent, & bien certain de n'auoir pas mis en oubly la vertu, fidelité, & obeissance, pour lesquelles nous & nos Ancestres auons esté auancés; Et que nul de nous n'a eü la moindre pensée, beaucoup moins aucune intention qui peust estre au preiudice de vostre Maiefté, nostre tres gracieux Roy & sire, ny de sa Maison Royale & hereditaire, ou qui peust estant contre nostre hommage & deuoir, estre deshonorabile a nous ou a nostre posterité, bien loin d'auoir sceu quelque chose des at-

rentats si perfides, abominables, & indignes, dont le but estoit la ruine de vostre Maieſté & de la Royale maison, a l'extreme trouble, changement, & destruction de ses royaumes & païs, Nous viuons dans vne humble assurance que Vostre Maieſté, nostre tres gracieux Roy & Sire, n'adionſtera aucune foy a vne calomnie si mensongere, & trompeuse, mais continuera, sans prendre garde a vne imputation si fausse, de nous estre, comme auparauant, vn gracieux seigneur & Roy, En consideration toutefois de la posterité, & des Estrangers qui pourront ouir ou lire ceste trahison, & la iuste sentence qui l'en est ensuiuie, Nous n'auons peu omettre de protester, comme aussi nous Protestons coniointement & solemnellement par ces presentes, que ledit traistre de Calomniateur, & Criminel de leze Maieſté au premier chef, nous a sans aucun fondement & raison faussement & meschamment imposé ladite menterie, Et luy rechassons en sa propre poitrine, fausse gorge, & bouche, ce perfide & faux mensonge (dont le seul but est de rendre sa criminelle entreprise plus' praticable & facile aupres des Estrangers, pour ainsi auancer, & pallier de l'innocence d'antruy son meschant dessein, & pour ne point paroistre seul en vn affaire dont il est L'vni-



que autheur,) iusqu'a tant qu'on puisse prouuer (ce que nous esperons n'arriuer iamais) que quelqu'un de nous ait participé, ou sceu quelque chose de sa trahison, car la fidelle & obeissante noblesse de vostre Maiefté, aussi bien que les autres subiets, n'a rien tant souhaité que vostre Maiefté, & toute la maison Royale & hereditaire, puisse sans empeschement continuer en toute prosperité en un regne permanent & paisible, pour le bien & fleurissant estat des royaumes & pais de vostre Maiefté, Afin que nous, & nostre posterité sous vostre Maiefté, & sa maison Royale & hereditaire, puissions viure & estre maintenus & conserués; Sçachants bien que tels & semblables changements, ne produissent que mesintelligences, confusions, & ruines; C'est pourquoy aussi nous ne cederons a aucun, de quelque condition qu'il puisse estre, en sincere & entiere loyauté, & en deuotion au seruice de la maison Royale, Mais vn chacun de nous y demeurera constant iusqu'au dernier iour de sa vie, ne trouuant, ny pour nous ny pour ceux de nostre condition, aucun estat plus auantagenx, lequel nous ne desirons non plus au preiudice de l'homage que nous auons fait, Mais rascherons comme nos Ancestres (tontefois selon les constitutions du

present gouvernement hereditaire, & le serment que nous auons fait) de meriter par nostre sincerité, fidelle seruice, & obeissance, la continuation de la grace & faueur royale qui nous a esté iusqu'à maintenant tesmoignée; Nul de la Noblesse, aux temps les plus calamiteux, & presque desesperés de la patrie, quand la plus part de nous & de nos biens estoit sous vne domination estrangere, ne l'est en aucune façon laissé seduire, ny persuader a aucune desloiauté, ou lasche action par les promesses ou menasses, verbales ou escrites, dudit Criminel; Ceux de nous qui alors eûmes la grace d'estre apres de vostre Maiesté, ne negligeaimes rien ou nostre deuoir & seruice fust requis, & les autres estimoient la plus grande de leurs oppressions, celle de ne pouuoir tesmoigner a vostre Maiesté vn mesme deuoir & seruice, ce qu'ils firent aussi deslors qu'ils en peurent trouuer l'occasion, Quand le temps fut derechef changé, quoy que nous fussions la plus part, avecq nos biens, au pouuoir des Estrangers, il se trouua neantmoins de la noblesse qui aimâ mieux quitter ses heritages, que le regne sous lequel eux & leurs parens auoient si bien vescu; Si contre toute esperance, il s'en trouue quelqu'un qui eust d'autres pensées, ou

ſcent quelque choſe de ceſte affaire, perſonne ne
le perſecutera plus que la Nobleſſe , afin que
ceux qui ſont indignes de leur rang puiſſent eſtre
exterminés, & receuoir vn condigne chaſtiment,
C'eſt pourquoy chacun de la Nobleſſe qui ma-
intenant ou çy apres en ſçaura quelque choſe,
non ſeulement en teſmoignera ſon deſplaiſir &
auerſion, mais auſſi le declarera ſelon le ſerment
qu'il a fait, tellement que quiconque le celera ſe-
ra eſtimé indigne de ce tiltre, Car la Nobleſſe
ſelon ſon ſerment ſouuent reiteré obligation &
deuoir eſt auſſi preſte qu' obligé, d'expoſer ſa
vie, ſon ſang & ſes biens pour l'aduantage & pros-
perité de voſtre Maieſté, & de ſa Royale & here-
ditaire maiſon, comme auſſi pour empescher &
deſtourner ſon dommage ſelon ſon ſerment &
deuoir, comme il conuient, & appartient a des
honneſtes ſuiets, & ceux de leur extraction qui
ont l'honneur l'obeiſſance & la loyauté en recom-
mendation ; C'eſt ce que nous icy preſens de la
Nobleſſe, pour nous meſmes, & ceux qui en ſont
abſens, n'auons peu omettre de repreſenter tres
humblement a voſtre Maieſté, la ſuppliant que,
pour l'information de tout le monde, & de la
poſte-

posterité, a la descharge & iustification de ceux de
nostre condition, il soit imprimé, publié, & ma-
nifesté,

A Coppenhague le
d' Aoust 1663.

De Vostre Maiesié

Les tres humbles & tres obeissans
subiets & seruiteurs.



